

Kaati kua roa aku korero engari ki te hiahia etahi o koutou ki te tuku mai i a koutou tamariki ki konei kura ai me tuhituhi mai i mua i te mutunga o te tau, a te tau hou ranei. Kua e waiho a koutou taonga kia moumou noa ana. Heoi ra e hoa ma kia ora koutou katoa katoa i te Kirihimete me te Tau Hou e haere mai nei.

Na ta koutou mokai pakeha.

Na Wiiri (W. H. Wills)

Kai-Whakaako Tumuaiki Otaki Kareti.

NGA RETA TUKU MAI

Kia marama ano, kacre te Toa Takitini e whai waahi ki nga whiu kupu taumaha a te hunga tuku reta mai.

Nga Etita.

Ki nga Etita: E hoa ma tena korua nga whakamaunga mahara o nga iwi o te Motu. Kua hohatia te ingoa nei a Aotearoa. Ko te mea pai, me tae a Rangataua Keepa, a Tuhitaare Heemi, a Wairama Huhu ki te Hui nui o te Motu ka tu ki Akarana a te Maehe e heke iho nei. Ki reira ratou aata wangananga ai, hurihuri ai mo taua take. Ka pai hoki, ka korero atu, he kanohi he kanohi. Ki te hinga tetahi kua hoki e pouri. Ko te take ki te pouri tetahi ka pouri mai hoki a tahaki. Ki te mate noa tetahi o koutou tena e kiia he mea makutu. No reira kia ora.

Ko te tino kaupapa nui o tenei reta i tuhia ai, kia kite mai a Rongowhakaata ara te rohe katoa o Ngati-Kahungunu. Ina te patai. He aha toku hara i roto i te mana o Karaiti Ihu i kore ai he whakaatu o te kuini nei o te Huinga ki au kia Tuhoe? He kore paanga pea noku ki tenei wahine rangatira. Ina toku whakapapa:—

Rongokako—Muriwhenua (no Hauraki tenei wahine)

Tamatea - (1) Te Onoonomaiwaho (2) Iwipupu (3) Te Moanaikauia.

Ko Whaene

Ko Taka—Te Koata

Hourangi

Kuraroa—Potiki Hakaka

Uwiraroa—Awanuiarangi

Rongotangiawa—Te Rahikoia

Rongokarac